

Vischnaunca da Mustér

Reglament da traffic

2011

Sebasond sin art. 3 dalla lescha federala da traffic sin via, sin la lescha introductiva e l'ordinaziun executiva leutier, sin art. 20 dalla lescha cantunala d'ual ed art. 16 dall'ordinaziun leutier sco era sin art. 12 dalla lescha forestala dalla vischnaunca da Mustér, relai la suprastanza communalas suandontas prescripziuns per il diever dallas vias d'ual, las vias da funs, las vias d'alp, las vias d'avertura e d'autras vias:

I. Vias d'ual

Art. 1 Vias d'ual cun scamond da carrar

Sin las suandontas vias d'ual vala in scamond da carrar cun vehichels a motor (signal 2.14) cun resalva dallas excepziuns menziunadas en quest reglament:

- a) Sin las suandontas vias ei la peisa maximala limitada a 20 tonnas e la ladezia a 2,50 meters (signal 2.16 e 2.18):
 - Via Val Heiser – Pegn Rodund – Runfoppa su
 - Via Run - Plaun Grond - Plaun Tir
 - Via Acletta - Sin dall'Aua
 - Via Peisel - Plaun Menisch - Val Segnas - Tegia Valentin
 - Via Segnas - Curtins - Cunel - Prau su
 - Via Valzeinza - Cavorgia - Camahers
 - Via Cavorgia - Val Gierm
 - Via Mumpé Medel - Clavadials
 - Via Mumpé Medel - Cavorgia Sut
 - Via Mumpé Medel - Plaun Tiatga - Stagias
 - Via Cavardiras - Runtget - Runca - Lag Grond
 - Via Mulinets - Bovas – Runtget
- b) Sin quellas vias ei la peisa maximala limitada a 18 tonnas (signal 2.16 e 2.18):
 - Via Val Heiser - Pegn Rodun
 - Via Peisel - Plaun Menisch - Val Segnas
 - Via Plaun Tiatga – Stagias
- c) Sin quellas vias ei la peisa maximala limitada a 13 tonnas (signal 2.16 e 2.18):
 - Via Pegn Rodund - Runfoppa su
 - Via Run - Plaun Grond - Plaun Tir
 - Via Segnas - Cunel - Prau su
 - Via Valzeinza - Cavorgia - Camahers
 - Via Cavorgia - Val Gierm
 - Via Cavardiras - Runtget Bovas
 - Via Mulinets - Bovas
 - Via Runtget - Lag Grond
- d) Sin quella via ei la peisa maximala limitada a 3.5 tonnas (signalsal 2.16 e 2.18):
 - Via Clavadials – Fontauna

Art. 2 Vias d'uaul cun scamond general

Las ulteriuras vias d'uaul surveschan exclusivamein all'economia forestala ed astgan vegnir duvradas cun vehichel a motor sulettamein per intents previ ella lescha forestala federala e cantunala.

Art. 3 Dretg da carrar per intents specials

¹Negina lubientscha da carrar ei necessaria per:

- a) tuts viadis da survetsch dalla polizia, dil survetsch forestal, per diever agricol (maschinas agricolas senza autos cun numera verda), dalla polizia da catscha e pesca, dalla sanitad, dils pumpiers, dils guardians d'iel e da chemia, viadis per ademplir activitads ufficialas u legalas sco era viadis en survetsch dil Cantun e dalla Confederaziun;
- b) viadis da miedis e veterinaris en activitad professiunala;
- c) viadis ordinai d'in post cumpetent en cass d'accidents, d'incendis e da catastofas;
- d) pil transport da selvaschinas da grefla sittadas;
- e) pil transport da lenna da sort (lenna da brisch) duront in temps limitau, fixaus en cunvegientscha cul forester communal.

²Per levgiar la survegionza drova ei ina carta da controlla (cun excepziun da maschinas agricolas). Quella ei gratuita.

Art. 4 Dretg da carrar cun carta da legitimaziun

a) Diever agricol

¹Pil diever agricol e duront il temps d'alpegiaziun vegn dau ina carta da legitimaziun e quei per tuttas vias necessarias che vegnan nudadas sin la carta.

b) Ulteriur diever

²La suprastonza communal dat sin damonda lubientschas annualas da carrar:

- a) per vehichels da proprietaris da beins immobiliars e d'affittaders per igl access al schischom;
- b) per vehichels da furniturs, da glied da professiun, da guardiacamonas, da concessiunaris, etc. per praticar lur activitad.

³Il dretg da retrer ina lubientscha annuala han ils parents dil proprietari dil bein immobilial en lingia directa entochen tier il grad da bab/mumma ni fegl/feglia. Il medem status gauda era il favorisau da dretgs da gudida impurtai sco servitud el register funsil.

⁴Concessiunaris el senn da lit. b) ein en special purtaders d'ina patenta cantunala ni communal per praticar lur activitad.

⁵Persunas che persequiteschan in gudogn accessori han mintg'onn da tschentiar all'administraziun communal la damonda per ina lubientscha annuala.

c) Cartas dil di e dall'jamna

⁶Persunas che han negin dretg da carrar sin vias d'uaul e vias funsilas san far diever da tuttas vias lubidas cun retrer ina carta dil di ni dall'jamna. Quellas lubientschas ein ligiadas al vehichel e buca transmissiblas.

Art. 5 Taxas administrativas ed applicaziun

¹Per las lubientschas (cartas da legitimaziun) tenor art. 4 e 6 e vegn incassau las suandontas taxas administrativas:

a) Diever agricol

- carta tenor art. 4, lit. a frs. 20.--

b) Ulteriur diever

- carta annuala frs. 100.--

c) Carta dil di e carta dall'jamna

- carta dall'jamna frs. 30.--

- carta per in di frs. 15.--

²La carta per in di vala per ir e turnar. Ella ei valeivla naven dil datum d'emissiun maximalmein treis dis.

³Tuttas lubientschas valan en principi mo per la via menziunada sigl attest. En cass motivai (diever agricol, forestal e viadis officials) eis ei pusseivel da conceder lubientschas per pliras vias.

⁴Las lubientschas san vegnir retratgas dall'administraziun communal ni en ulteriurs loghens dessignai dalla suprastonza communal.

⁵La carta ei da plazzar bein veseivla vid il vehichel.

⁶La lubientscha annuala cumpeglia duas cartas; ina da quellas ei transmissibla.

⁷Per transports cun vehichels sur 3.5 t incassescha la suprastonza communal ina taxa a norma dalla stabilitad dalla via e la frequenza da minimalmein frs. 25.-- per via.

II. Vias funsilas e vias per l'avertura dil territori da baghegiar

Art. 6 Vias funsilas cun scamond da carrar

¹Per tuttas vias funsilas vala in scamond da carrar cun vehichels a motor (signal 2.14) cun excepziuns tenor art. 3 e 4 da quest reglament.

²Per las ulteriuras vias valan las prescripziuns per las vias che surveschan all'avertura dil territori da baghegiar.

³Sin las sequentas vias funsilas vala in scamond da carrar cun vehichels a motor cun excepziuns tenor art. 3 e 4:

- Mumpé Tujetsch – Carmiez
- Mumpé Tujetsch – Tschuppina
- Mumpé Tujetsch – Cunel (reservuar)
- Pardi – Tiolas
- Crap Alv – Tegia Valentin
- Segnas – Tguinter – Mumpé Tujetsch
- Acletta – Acletta Petschna
- Via Turtengia entochen Val Mala
- Clavaniev – Davos Casti
- Vias dalla megliaziun da Segnas
- Vias dalla megliaziun da Pardomat
- Vias dalla megliaziun da Mumpé Medel

⁴Sin quellas vias vegn la peisa maximala limitada a 8 tonnas. La ladezia maximala sedrezza tenor la ladezia dalla surfatscha carrabla.

Art. 7 Vias d'avertura

¹Tenor la classificaziun dil plan general d'avertura (traffic) valan las suandontas restricziuns per las vias d'avertura :

- | | |
|-------------------------------|-----------------------------|
| • Vias principalas cantunalas | tenor legislaziun cantunala |
| • Vias da rimnada | max. 28.00 tonnas |
| • Vias da quartier | max. 18.00 tonnas |

²En cass motivai sa la suprastonza communal lubir excepziuns dalla tonnascha maximala.

Art. 8 Vias per pedunzs e sendas da viandar

¹Sin sendas signalisadas e destinadas sulettamein per viandar, eis ei scumandau da carrar cun velos, trottinets ni cun vehichels a motor da tut gener.

²Sin vias da velos ei il carrar cun vehichels a motor, en special quads e velos a motor scumandaus.

Art. 9 Autras vias e punts

La suprastonza communal sa relaschar ulteriuras restricziuns per il diever da vias e punts.

III. Determinaziuns generalas

Art. 10 Scamond da carrar duront igl unviern

¹Duront igl unviern eis ei scumandau da carrar cun tuts vehichels sin las vias forestalas e funsilas. Quei scamond vala mintgamai naven digl emprem da december entochen la fin da mars, respectivamein naven dil mument che las vias ein cuvretgas cun neiv. Fullar via ei scumandau.

²La suprastonza communal sa conceder lubientschas exepziunalas per in survetsch d'unviern reduciu ni per situaziuns specialas.

Art. 11 Prescripziuns specialas

¹En cass da relaziuns disfavoreivlas sa la suprastonza communal serrar tuttas vias u relaschar restricziuns per in cert temps e/u per certas categorias da vehichels.

²Barrieras, geinas ni seivs ein da serrar suenter scadin passadi.

³Parcar e cruschar astga succeder sulettamein en loghens previ ed adattai persuenter.

Art. 12 Execuziun

¹L'execuziun da quest reglament cumpeta alla suprastonza communal. Ella sa delegar singulas cumpetenzas als collaboraturs comunals sco era ad ulteriuras personas cun incarica speciala.

²Las corporaziuns da meglieraziun han il dretg da conceder atgnas lubientschas da carrar per las vias sin lur intschess.

Art. 13 Publicaziun e signalisaziun

¹Las excepziuns e restricziuns da traffic cuntenidas en quei reglament ein da publicar egl organ da publicaziun official e las signalisaziuns da postar els loghens pertuccai.

²La signalisaziun ha da succeder en concordanza cun la polizia da traffic cantunala.

Art. 14 Responsablidad

¹Il diever dallas vias numnadas en quest reglament succeda sin atgna responsablidad. La vischnaunca ei buca responsabla per eventuais donns ni accidents caschunai.

²Ils cuosts da reparar ils donns caschunai vid las vias vegnan adossai als caschunaders.

Art. 15 Cunterdretg

Per las vias che cunfineschan cun las vischnauncas vischinontas vala era la lubientscha da l'otra vischnaunca, aschinavon che lezza regla il carrar sin las vias e salva cunterdretg.

IV. Determinaziuns finalas**Art. 16 Disposiziuns penals**

¹Tgi che cunterfa sapientivamein ni ord negligentscha a quest reglament u a prescripziuns e determinaziuns che sebasan sin quel, vegn castigaus cun multa da tochen frs. 5'000.--. Daventa quei per regl da gudogn, ei la suprastonza communal buca ligiada agl importo maximal.

²En cass d'in maldiever dalla lubientscha sa quella vegnir privada permanentamein ni per in cert temps.

³Encunter castitgs relaschai dils organs da controlla sa vegnir fatg protesta enteifer 30 dis alla suprastonza communal cun indiar il motiv dil surpassament.

⁴Encunter disposiziuns dalla suprastonza communal sa vegnir recurriu enteifer 30 dis alla dertgira administrativa dil cantun Grischun.

Art. 17 Vigur

Quest reglament ei vegnius approbaus dalla suprastonza communal ils 4 d'avrel 2011. El passa immediat en vigur e remplazza il regulativ per diever dallas vias d'uaul cun vehichels a motor dalla vischnaunca da Mustér dils 2 d'october 1998.

Il president communal:
Dr. Dumeni Columberg

Il canzlist communal:
Andri Hendry